



Wisconsin Kev Them Nyiaj Yug Me Nyuam Phau Ntawv Qhia Siv

Mus saib nyob ntawm: childsupport.wisconsin.gov (Hmoob)

Child Support Program hauv Wisconsin muaj lus qhia pab kom koj nkag siab txog cov txheej txheem ntawm kev them nyiaj yug me nyua. Koj mus zwm npe kom tau koj tus password thiaj yuav mus saib tau koj cov nyiaj hauv internet ntawm: childsupport.wisconsin.gov (lus mis kas).

Tej Yam Tseem Ceeb

- Leej niam thiab leej txiv yuav tsum tau ua ntawv qhia yog pauv chaw nyob tshiab, nyiaj hli hloov, pauv ntawv kho mob, thiab chaw ua hauj lwm.
- Muab pov thawj txog ntawv kho mob nrog rau tus policy thiab lub chaw kho mob.
- Yog hais tias koj xa nyiaj tuaj them, nco ntsoov xav daim coupon nrog, sau koj lub npe, thiab koj tus PIN nab npawb los yog tus Case Number rau.
- Yog dhau sij hawm them lawm yuav tsub nqi ntau zog ntxiv. Yuav tsub paj txhua lub hlis rau cov nqi uas dhau lawm.
- **Yog tsis them nyiaj yug me nyuam**, yuav raug kev khoov nrog rau cov nqe lus nram qab no: tsab ntawv tshuav nqi los yuam tas nrho koj vaj tse thiab koj teej tug, yuam koj daim ntawv tsav tsheb, daim ntawv yos hav zoov tuav tsiaj, los yog daim ntawv nuv ntses, cuam tshuam cov nyiaj ua se tau los, xa npe mus rau credit bureau, thiab yuav muaj lwm yam los xam nrog rau, uas tej zaum yuav raug mus kaw hauv tsev laj kuj los yog raug lub txim txhaum.
- Yuav tsum muaj kev cuag ncuav nrog koj lub koom haum child support kom tsis txhob raug teeb meem.

Tsev Hais Plaub Kev Txiav Txim Txog Nyiaj Them Yug Me Nyuam

Tsuas yog tus kws txiav txim los yog tus commissioner hauv lub tsev hais plaub thiaj yuav teev tau los yog pauv tau koj tus nqi them yug me nyuam. Kev txiav txim hauv lub tsev hais plaub muaj xws li tus nqi them yug, ntawv kho mob, thiab lwm yam nuj nqis. Kev txiav txim txog ntawm leej txiv kuj yuav hais kom nws them cov nqi thaum yug tus me nyuam mos, thiab cov nqi tshuaj ntsuam nrhiav leej txiv. Txiav nyiaj ntawm lub nyiaj hli yog ib qho yuav tau ua.

Tom qab tus kws txiav txim kos nws lub npe rau tsab ntawv txiav txim lawm, yuav muab daim tseem ceev cia rau hauv Clerk of Court lub chaw ua hauj lwm. Yuav muab ib leeg ib daim qauv rau lub koom haum Child Support Agency thiab leej niam thiab leej txiv thiab cov kws lij choj. Tus nqi yug, ntawv kho mob, thiab lwm cov hauj lwm uas tsev hais plaub tau txiav txim kom ua yog tej yam uas yeej siv nyob thoob lub xeev cov computer system hu uas KIDS. KIDS yog qhov yuav los xyuas txheeb txog cov nyiaj them tuaj rau kev them nyiaj yug me nyuam, thiab lwm cov nuj nqis uas tseem tshuav.

Ib tus neeg twg yuav tau ib tug PIN rau nws case. Tus IV-D nab npawb (los yog tus KIDS case nab npawb) kuj yuav muaj rau txhua case thiab. Tus PIN thiab tus IV-D nab npawb tsuas yog siv nyob rau hauv lub koom haum Child Support Agency kom paub txheeb hais tias yog koj thiab koj case xwb.

Yog hais tias leej niam los yog leej txiv lub nyiaj hli, los yog tus/cov me nyuam kev nyob pauv li cas lawm, tus kws txiav txim muaj cai muab cov nyiaj them yug me nyuam pauv. Tej zaum tus nqi them yug me nyuam kuj yuav nce los yog yuav txo. Yuav kom muab tus nqi pauv tau yuav tsum yog ob tog txaus siab raws li kev cai los yog lub tsev hais plaub sau ntawv teev cov lus txiav txim, lub koom haum child support agency yuav tsum xyuas cov kev pauv ntawd tas, ces yuav tsum tau kws txiav txim kev pom zoo. Tej zaum kuj yuav muaj tus nqi tes ua ntaub ntawv pauv koj tus nqi them nyiaj yug me nyuam thiab. Hu mus nug rau ntawm lub koom haum Child Support Agency kom paub meej.

Kev Txiav Nyiaj

Kev cai lij choj hauv lub xeev hais tias yuav tsum txiav nyiaj tawm ntawm cov nyiaj ua hauj lwm mus yug me nyuam. Nws kuj yog siv txoj kev txiav nyiaj ntawm cov nyiaj ua hauj lwm mus them rau cov nyiaj yug me nyuam uas poob qab lawm, lwm yam nuj nqis, los yog cov nqi tes uas tus raug them yuav tsum them. Kev txiav nyiaj ntawm cov nyiaj ua hauj lwm kuj yog txiav cov nyiaj uas hu ua commission, nyiaj poob hauj lwm, nyiaj ua hauj lwm raug mob es tau, thiab cov nyiaj laus uas yog social security thiab cov nyiaj pension. Kev txiav nyiaj mus them yug me nyuam yuav tsis pub txiav tawm ntawm cov nyiaj Supplemental Security Income (SSI) los yog nyiaj ntsuab hauv W2.

Qhov chaw ua hauj lwm yuav txais ib tsab ntawv tuaj ntawm tsev hais plaub tuaj kom lawv txiav nyiaj tawm ntawm cov nyiaj ua hauj lwm mus them yug me nyuam. Feem ntau cov chaw ua hauj lwm them lawv cov neeg ua hauj lwm txhua lub lis piam los yog ob lub lis piam twg ib zaug. Cov chaw ua hauj lwm yuav txiav nyiaj mus them yug me nyuam raws li caij nyoog them nyiaj rau cov neeg ua hauj lwm thiab. Tej zaum tus nqi uas yuav txiav tawm ntawm cov nyiaj ua hauj lwm yuav txawv tus nqi uas tsev hais plaub txiav txim kom them, vim hais tias caij nyoog lav nyiaj yuav tsis haum sij hawm, tiam sis tus nqi tas nrho ntawm cov nyiaj txiav yeej yuav tsum yog ttib tus nqi lub tsev hais plaub tau txiav txim kom them rau lub xyoo ntawd. Tus nqi uas txiav tawm ntawm cov nyiaj ua hauj lwm tas nrho yuav tsis pub kom tshaj 50% mus rau 65% ntawm tus neeg ua hauj lwm ntawd cov nyiaj seem tom qab them se tej tas lawm, nyob ntawm seb tus neeg ntawd kam noj kev haus zoo li cas.

Kev Them Nqi

Kev cai lij choj hauv Wisconsin tsis pub kom cia li them nyiaj ncaj qha mus rau leej niam los yog leej txiv tod tsam koj ho tsis tau credit hais tias koj twb them lawm! **Cov neeg uas raug them nyiaj yug ntawd muaj lub luag hauj lwm yuav tsum them nyiaj tuaj mus yog hais tias thaum twg tsis muaj txiav nyiaj tuaj mus them lawm.** Koj muab daim payment coupon uas nrog pob ntawv no xa nrog koj cov nyiaj tuaj mus them thawj zaug.

Tas nrho cov nyiaj them tuaj mus rau kev yug me nyuam yeej muab xa tuaj mus rau Wisconsin Support Collections Trust Fund (WI SCTF). Yuav tsum maub daim coupon xa nrog nrho cov nyiaj them tuaj mus ua ke. Koj yuav tsum nug mus rau koj lub koom haum hauv zos yog hais tias koj tsis muaj daim coupon xa nrog koj cov nyiaj tuaj, los yog mus luam ib daim qauv hauv internet ntawm: childsupport.wisconsin.gov los siv (lus mis kas).

Xa koj cov nyiaj nrog daim coupon tuaj mus rau qhov chaw nyob hauv qab no:

WI SCTF

Box 74200

Milwaukee, WI 53274-0200

Txais Cov Nyiaj Them Tuaj

Wisconsin muab tas nrho cov nyiaj them yug me nyuam xa tawm xws li mus rau Direct Deposit, ua yog ncaj qha mus rau koj tus checking/savings account, los yog mus rau koj daim Visa Debit Card. Yog hais tias koj tsis ua daim ntawv kom muab koj cov nyiaj xa tuaj mus rau qhov Direct Deposit, yuav muab koj cov nyiaj yug me nyuam xa ncaj qha mus rau ib tug Debit Card account. Koj mam siv daim Debit Card mus yuav khoom es koj mam hais kom lawv ntxiv nyiaj rau koj, los sis mus rho nyiaj ntawm cov ATM machine. Yog hais tias koj xum yuav qhov Direct Deposit, uas yog qhov cov neeg feem coob siv, koj muab daim ntawv uas nrog pob ntawv no teb kom tiav es muab xa tuaj. Koj yuav saib tau seb them nyiaj tuaj li cas lawm hauv internet ntawm: childsupport.wisconsin.gov (lus mis kas) los yog qhov KIDS Information Line:

(414) 615-2400 Cheeb tsam hauv Milwaukee

(800) 991-5530 Tawm cheeb tsam hauv Milwaukee sab nraud

(877) 209-5209 TDD



Txais Cov Nyiaj Them Tuaj - txuas ntxiv mus

Yuav siv sij hawm ntev npaum li cas thiaj tau cov nyiaj txiav tom chaw ua hauj lwm tuaj? Koj yuav tsum muab sij hawm li **30 hnuv** rau qhov chaw ua hauj lwm txiav thiab muab cov nyiaj no xa tuaj. Nws yog zoo li no.

- Txhua cov nyiaj them yug me nyuam yuav tsum yog txiav ntawm cov nyiaj ua hauj lwm.
- Lub koom haum child support yuav xa tsab ntawv mus ceeb toom rau qhov chaw ua hauj lwm **tsis pub dhau 2 hnuv ua hauj lwm** kom lawv txiav nyiaj them yug me nyuam tawm ntawm leej niam/txiv cov nyiaj ua hauj lwm tuaj raws li tsev hais plaub tau txiav txim kom them, los yog tom qab muaj pauv li cas ntawm kev ua hauj lwm.
- Qhov chaw ua hauj lwm yuav tsum pib txiav nyiaj them yug me nyuam ntawm thawj daim nyiaj yuav lav tom qab txais tau tsab ntawv ceeb toom lawm.
- Tom qab txiav cov nyiaj lawm, qhov chaw ua hauj lwm yuav tsum muab cov nyiaj xa mus rau Wisconsin Support Collection Trust Fund **tsis pub dhau 5 hnuv** ntawm hnuv sau daim tshev tawm.
- Tib hnuv txais tau daim tshev ntawd, Support Collections Trust Fund yuav muab cov nyiaj ntawd xa tawm. Qhov nyiaj ntawd yuav muab xa tawm hmo ntawd, ces yuav yog **2 hnuv ua hauj lwm tom qab** cov nyiaj thiaj yuav tshwm nyob rau hauv tus debit card account, los yog tshwm rau huav tus neeg txais cov nyiaj ntawd tus savings/checking account (direct deposit).
- Txij thaum pib them nyiaj yug me nyuam lawm, cov nyiaj yuav tsum tuaj raws li qhov chaw ua hauj lwm lub sij hawm them nyiaj rau nws cov neeg ua hauj lwm.

Cov Nqi Thiab Tej Yam Yuav Lov Tawm

Leej Niam/Txiv uas yog tus **Raug Them**: Cov chaw ua hauj lwm muaj cai txiav txog li ntawm \$3 nqi tes tawm txhua zaus lawv txiav nyiaj mus them yug me nyuam. Tus nqi nov yog nqi tes ntawm lawd. Leej niam/txiv uas raug them nyiaj yug me nyuam kuj yuav raug them nqi tes raws xyoo txhua lub Ib Hlis Ntuj, uas yog nqi tes txais thiab xa nyiaj tawm (R&D). Tus nqi no yog muaj teev raws li txoj cai lij choj (§767.57(e)(a) Wis. Stats.) uas ziaj no yog \$65. Koj yuav tsum siv daim coupon uas nrog pob ntawv no xa nrog cov nyiaj them yug me nyuam thawj zaug thiab tus nqi tes R&D tuaj.

Leej Niam/Txiv uas yog tus **Tau Txais Cov Nyiaj**: Raws li tseem fwm txoj cai, ib txhia niam/txiv uas tau cov nyiaj them yug me nyuam yuav raug them tus nqi tes \$25 txhua xyoo. Tom qab tau txais \$500 lawm, yuav txiav tus nqi no tawm. Cov niam txiv uas tau cov nyiaj AFDC yav tas los, los yog tab tom tau ziaj no, W2 nyiaj ntsuab, los yog kev pab cuam tu neeg txheeb ze yuav **tsis rau** them tus nqi tes no. Yog hais tias koj tau cov kev pab cuam no nyob rau lwm lub xeev, koj yuav tsum ceeb toom rau lub koom haum Child Support Agency uas nyob ntawm lub tsev hais plaub uas muab kev txiav txim no.

Hais Qhia Txog Kev Pauv

Leej niam thiab leej txiv yuav tsum hais qhia rau lub koom haum child support **tsis pub dhau 10 hnuv** ntawm hnuv pauv chaw nyob, chaw ua hauj lwm, ntawv kho mob, los yog muaj tej yam pauv loj heev ntawm nyiaj txiag. Hu mus qhia rau lub koom haum child support ntawm tus xov tooj uas nyob sab nraum qab ntawm phau ntawv qhia nov, los yog mus nrhiav nyob hauv internet ntawm childsupport.wisconsin.gov. Txawm hais tias muaj kev pauv ntawm koj cov nyiaj txiag lawm los **yuav tsis pauv** koj tus nqi them uas tsev hais plaub tau txiav txim kom koj them. Tsuas yog tus kws txiav txim thiaj yuav pauv tau tus nqi nov xwb.

Tes Dej Num Ntawm Lub Koom Haum Child Support

Lub koom haum child support muaj ib txoj hauj lwm tseem ceeb uas yog los tsim kom tau kev them nyiaj yug me nyuam thiab khoo kom them raws li tsev hais plaub tau txiav txim. Nws yog ib qho tseem ceeb heev uas yuav tsum muaj kev cuag ncuag nrog lawv kom tiav koj txoj hauj lwm ntawm qhov teeb meem no. Raws li koj cov me nyuam loj hlob thiab sij hawm dhau mus, yuav muaj tej yam pauv, uas koj lub koom haum child support yuav teb tau koj cov lus nug los yog yuav qhia tau rau koj seb kauj ruam tom ntej koj yuav ua tau yog dab tsi. Nws yog ib qho tseem ceeb heev uas yuav tsum hais qhia tam siv txog tej yam pauv kom thiaj tsis muaj lwm yam kev khoo ntxiv. Tiam sis, **tsuas yog lub tsev hais plaub thiaj yuav pauv tau txoj kev txiav txim rau koj xwb**, ces yog hais tias koj ntseeg hais tias tsim nyog muab koj tus nqi them yug me nyuam pauv, yuav tau ua ib tsab ntawv mus hais.

Cov kev pab cuam hauv lub koom haum child support **yuav tsis xyuas txog ntawm** qhov pauv kev tau me nyuam thiab kev maub chaw rau me nyuam nyob. Tsuas yog lub tsev hais plaub thiaj muaj cai thiab muaj lub luag hauj lwm xyuas txog tej teeb meem no xwb. Mus muab tau cov ntawv no hauv internet ntawm childsupport.wisconsin.gov los siv rau thaum muaj tej yam li no tshwm sim.

Daim coupon them thawj zaug (First Payment Coupon)

Muab daim coupon no xa nrog koj daim tshev los yog money order (sau them rau **WI SCTF**) mus them koj cov nyiaj yug me nyuam thawj zaug thiab koj tus nqi tes rau txhua xyoo (R&D fee). Nco ntsoom sau koj tus **KIDS PIN** nab npawb rau hauv koj daim tshev los yog daim money order. Koj thiab koj qhov chaw ua hauj lwm yuav txais cov coupon xa nyiaj them tom ntej no ntxiv. Muab daim coupon no xa nrog qhov nyiaj them tuaj mus rau qhov chaw nyob teev saud.

First Payment(s) Coupon

Daim coupon them thawj zaug

F

Court Case Number

**Name
Lub Npe**

Social Security Number

KIDS PIN

Child Support paid for this period
Cov nyiaj them rau Child Support zaum no

\$

* Annual Receipt and Disbursement (R&D) fee

\$ 65.00 *

* Tus nqi tes them txhua xyoo


Total Amount Enclosed
Tus Nqi Them Tas Nrho

\$

Qhov nyiaj them no yuav muab tso mus rau tus court case teev saud.

*** Nrog rau kev them thawj zaug xwb. Qhov nov yog tus nqi tes them txhua xyoo.**

Yog xav paub ntau ntxiv:



Lub Department of Children and Families yogi b qhov chaw ua hauj lwm thiab muab kev pab cuam muaj vaj huam sib luag. Yog hais tias koj xiam hoob qhab thaib xav tau cov kev qhia nov ua lwm hom qhia, los yog xav kom muab txhais ua lwm hom lus, thov hu tus xov tooj (608) 422-6889 los yog 711 TTY (hu dawb).